



Broj:UZ-21-08-03-001/2023

IZVJEŠTAJ O RADU 2022 GOD.

Udruženje „ZAJEDNO U BIH „ osnovano je 04.08.2021 god. sa ciljem da ujedini što veći broj Udruženja.

Djelatnosti i ciljevi udruženja su djelovanje na povezivanju udruženja i organizacija na nivou BiH u cilju boljeg i transparentnijeg rada; zalaganje na zaštiti starih, iznemoglih i beskućnika kao i zaštita pomoć i podrška djeci, licima sa smanjenim intelektualnim kapacitetom, osobama sa invaliditetom, osobama sa problemima u ponašanju, starim, iznemoglim, siromašnim i socijalno ugroženim pojedincima i porodicama i drugim marginalizovanim i socijalno isključenim grupama u BiH; saradnja sa nadležnim organima u BiH i drugim udruženjima i fondacijama koji imaju isti ili slične programske ciljeve; iniciranje i pružanje pomoći žrtvama prirodnih nesreća i drugih vanrednih stanja idr..

U nastavku ćemo predstaviti aktivnosti Udruženja kroz 2022 godinu te prikazati šta smo radili.

Nakon registracije Udruženja u osmom mjesecu 2021 godine uslijedila je realizacija brojnih projekata širom Bosne i Hercegovine .

Na području Kantona Sarajevo podijelili smo 50 prehrambeno higijenskih paketa

Zatim smo učestvovali na Obilježavanju 3 decembra Međunarodnog dana osoba sa invaliditetom na području Općine Hadžići u organizaciji Udruženja „RUKA PODRŠKE“.

Djeci oboljeloj od raka u Sarajevu a u suradnji sa udruženjem NI -LU na čelu sa predsjednicom Barbarom Novak uručili smo kape koje su krojene sa posebnom ljubavi u Sloveniji .

Primili smo donaciju od naših vjernih donatora iz danske vrijednu preko 20 hiljada konvertibilnih maraka i to :

- 8 kreveta na elektronski pogon sa dušecima

- 8 rolatora

- 3-oje invalidnih kolica

- 10 kancelarijskih stolica

- 10 paketa (pelena,kataetera i stoma)

U Zvorniku je realizovana akcija podjele zimskih jakni za djecu uzrasti do 9-tog razreda osnovne škole.

Ukupno je podijeljeno 210 jakni učenicima osnovnih škola u Kamenici ,Liplju,Diviču,Zvorniku,Kula Gradu ,Kozluku i Križevićima.

Zatim smo u Humanitarno Udruženje građana Bošnjaka „Merhamet Brčko distrikt BiH dopremili značajne donacije Humanitarnog fonda „Atlanta“ tj 400 novih jakni -kabanica koje su podijeljene učenicima-pješacima u osnovnim školama u ruralnim dijelovima Brčkog,Bijeljini i Janji.Takođe „Merhametu“ su još doznačene i učenička stipendija u iznosu od 1.300,00 KM te socijalna pomoć porodici slabog imovinskog stanja na području Brčko distrikta .

Regionalnom odboru merhameta Banja Luka osigurali 12 000 KM za rad javnih kuhinja te doniralo 800 jakni za djecu do devetog (9) razreda i osigurali jedan inkubator.

U Čapljini smo posjetili vrtić uz suradnju sa udruženjem“ Zajedno za naš grad“ Mostar i donirali fritezu kako bi mališanima obroci bili što ukusniji ,a takođe Udruženju „Zajedno za naš grad“ donirali krevet na elektronski pogon.

U gradu Prijedoru smo u sklopu projekta „Jaje novac daje“ za 24 porodice

osigurali koke nosilje te donirali i dvije krave i osigurali finansijsku pomoć za deset socijalno ugroženih porodica .U suradnji sa Udruženjem Optimista realizovali smo projekat „Sjeme spasa“.

Širom Bosne i Hercegovine obradovali smo majke ,sestre,nane one koje nemaju nikog svog te smo im za 8 mart upriličili divna druženja uz kafu,kolač,karanfil i muziku.

U maju mjesecu smo članove invalidnih i bolesnih osoba „RUKA PODRŠKE „ i osobe sa poteškoćama u razvoju iz Goražda poslali u Ajdinoviće na jednodnevni izlet .

U Begovom Hanu zajedno sa Udruženjem Osmijeh -BH a zahvaljujući studentima iz Beča obradovali smo nekoliko porodica prehrambeno higijenskim paketima.

Crvenom krstu Romanija Sokolac donirana su invalidna pomagala i prehrambeno higijenski paketi sve u vrijednosti 20 hiljada konvertibilnih maraka ,takođe smo uspostavili suradnju sa Merhametom Sokolac gdje smo podijelili koke nosilje i stipendije učenicima.

Pokrenuli humanitarnu akciju za Emu Isić koju smo poslali na fizikalne banje a Nisvetu Devedić poslali na liječenje van Bosne i Hercegovine .

Zajedno sa načelnikom Foče gosp.Mujom Sofradzijom u potpunosti renovirali stan majke i sina a isti su oboje sa poteškoćama u razvoju.

U protekloj 2022 godini ekipa zaduzena za projekte napisala je ukupno 7 projekata od ukupnog broja prošli smo tri:

-BH pošta- pali („Podrška“)

-BH telecom -prošli 5,000 KM(tema „Socijalna pomoć“)

-Federalno ministarstvo rada i socijalne politike -pali (tema „Pomoć u kući i zadovoljavanje svih životnih potreba starih i nemoćnih te osoba sa invaliditetom na kućnoj adresi)

-Ministarstvo nauke i kulture Kantona Sarajevo -pali („Sportom protiv socijalne isključenosti“)

-Fond za profesionalnu rehabilitaciju i zapošljavanje OSI -prošli („Novo zapošljavanje“ 18.870 ,00 KM zaposleno 2 radnika)

-Kabinet premijera Kantona Sarajevo -pali („ Pčelarstvo“)

-Fond za profesionalnu rehabilitaciju i zapošljavanje OSI-prošli („Novo zapošljavanje „ 35 .750 ,00 KM zaposleno 4 radnika)

Upravni i Nadzorni odbor u proteklu 2022 godinu održalo je ukupno 5 sjednica i to :

- druga skupština UO i NO održana je 08.01.2022. -Stup TMP

-12.02.2022 g održana treća sjednica UO i NO a ujedno i prva izvještajna skupština o radu udruženja za 2021.god u Olovu mjesto Ajdinovići

-Četvrta sjednica UO I NO održana je u Bosanskoj Dubici

-Peta sjednica NO i UO održana je u TMP- Stup dana 19.06.2022 god.

-Posljednja šesta sjednica u 2022 godini održana je u Prijedoru i to dana 09.12.

U toku 2022 godine udruženje „ZAJEDNO U BIH održalo je dva jako bitna događaja i to :

-U Zavidovićima održana Konferencija sa Udruženjima pomenute općine te potpisano nekoliko Sporazuma o suradnji a na istom događaju tj 10.09.2022 god podijeljeno 50 prehrambeno -hijenskih paketa socijalno ugroženim stanovnicima općine Zavidovići.

-Drugi veliki događaj bio je Kongres koji smo održali 10.12.2022 godine u gradu Prijedor gdje su obrazložene i usvojene programske deklaracije zajedno sa zaključcima koje šaljemo nadležnim institucijama Bosne i Hercegovine .

Takođe ono što je obilježilo 2022 godinu jeste da je Udruženje bilo potpisnica o inicijativi izjednačavanja prava OSI prema UN konvenciji koju je pokrenula Unija osoba i organizacija osoba sa invaliditetom.

Nadamo se još uspješnijoj i boljoj 2023 godini.

4.